



SAKSFRAMLEGG

Sakshandsamar: Siv Sæterdal	Arkivkode: FA-A10
Arkivsaksnr: 21/609	Løpenr: 21/6616
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	20.08.2021	039/2021

Endring av vedtekter for kommunale barnehagar jamfør ny lov om barnehage 2021

20.08.2021 Formannskapet:

Handsaming i møtet:

Sektorleiar oppvekst Bodil H. Øpstebø orienterte formannskapet sine medlemmar om saka og svarte på spørsmål dei hadde knytt til vedtekter for kommunale barnehagar.

Rådmannen sitt framlegg til vedtak vart samrøystes vedteke.

FORM- 039/2021 Vedtak:

Formannskapet godkjenner «Vedtekter for kommunale barnhagar i Samnanger kommune» slik dei ligg føre.

Rådmannen sitt framlegg til vedtak:

Formannskapet godkjenner «Vedtekter for kommunale barnhagar i Samnanger kommune» slik dei ligg føre.

Dokument som er vedlagt:

Handlingsrutinar mot mobbing

Vedtekter for kommunale barnehagar i Samnanger kommune

Dokument som ikkje er vedlagt:

Lov om barnehagar 2021

Kva saka gjeld:

Ny Lov om barnehagar trådde i kraft 01.01.2021. Dette gjer det naudsynt å gjera endringar i tråd med gjeldande lovverk i Samnanger kommune sine vedtekter for kommunale barnehagar.

Hovudendringar er § 9.5 Aktivitetsplikt, som er lagt til i vedtektene.

I ny Lov om barnehagar er det lagt til eit nytt kapittel VIII Psykososialt barnehagemiljø

§ 41. Nulltoleranse og forebyggende arbeid

*§ 42. Plikt til å sikre at barnehagebarna har et trygt og godt psykososialt barnehagemiljø
(aktivitetsplikt)*

§ 43. Skjerpet aktivitetsplikt dersom en som arbeider i barnehagen, krenker et barn

Samnager kommune har utarbeida «Godt barnehagemiljø – Handlingsrutinar mot mobbing» (vedlegg) som eit verktøy i arbeidet med nulltoleranse og førebyggjing.

Presisering av likebehandling av kommunale og private barnehagar er lagt til i § 3.1 i vedtektene.

Det er presisert i ny Lov om barnehagar kapittel IV §§ 17 og 19 at kommunen skal likebehandla kommunale og private barnehagar.

§ 7.2 Emnet «foreldrebetaling» i vedtektene er skrive om, slik at informasjonen er tydlegare for lesaren.

Dette fann ein naudsynt etter at sektor for oppvekst har motteke fleire henvendingar med spørsmål på dette punktet ved barnehagestart august 2021.

Det er gjort endring av paragrafnummer på sitat og tilvisningar, slik at dei stemmer med paragrafnummer i ny Lov om barnehagar som trådde i kraft januar 2021 (t.d. § 19 g «barn med nedsatt funksjonsevne», vert no § 37).

Vurderingar og konsekvensar:

Likeverdigheitsprinsippet gjer truleg ikkje dei store utslaga i vår kommune, då dette allereie er implementert.

Det nye kapittelet om Psykososialt barnehagemiljø fører til meir dokumentasjon og skriftleg arbeid for barnehagane.